

李文饒文集

別集

六之十

漢書門			
三	四	七	類
一	二	三	號
八	三	二	架
冊			

內閣文庫			
三五	三四	七	漢書
函	冊	號	類
六	八	二	
架			

內閣文庫			
番號	漢	3417	
冊數	8 (8)		
函號	315	25	



綴じ部(喉部分)の文字など開きが不鮮明な箇所あり

李文饒別集卷第六

書碑

與桂州鄭中丞書一晉

淺草文庫

與姚諫議書三晉

劉公神道碑

馬公神道碑

與桂州鄭中丞書

某當先聖御極再參樞務兩度冊文及宣懿太后祔
廟制聖容贊幽州紀聖功碑討回紇制討劉稹制五
度黠戛斯書兩度用兵詔敕及先皇改名制告皇天



上帝文弁奏議等勒成十五卷正觀初右顏岑二中
書代宗朝常相元和初某先太師忠公一代盛事皆
所潤色小子詞業淺近獲繼家聲武宗一朝冊命典
誥軍機羽檄皆命受撰述偶副聖情伏恐製序之時
要知此意伏惟詳悉謹狀

與姚諫議部書三首

閏冬極寒伏惟諫議十五郎尊體動止萬福即日某
悲緒外蒙差趙押衙至奉示問不任悚荷無由拜伏
陪積瞻戀謹因使回奉狀不次聞之二月二十八日
從表文產州司戶參軍同正奉狀上

天地窮人物精所弃無復看書平生舊知無復吊聞
闕老至仁念舊盛德藉孤再降專人遠逾溟漲兼賜
衣服噐物茶藥至多槁木暫榮寒灰稍暖開緘感切
涕咽難勝大海之中無人拯卹資儲蕩盡家事一空
百口熬然往往絕食塊獨窮悴終日苦飢惟恨垂歿
之年頓作餒死之鬼自十月末得疾伏枕七旬屬續
者數四藥物陳稟文魚醫人委命信天幸而自活羸
備至甚生意方微自料此生魚由再望旌棨臨紙涕
戀不勝遠誠病後多書不得伏惟恕察謹狀
伏蒙又賜口箴不任感戴東都日所惠本留洛中無

人檢得兼以道路艱阻二年來不曾有人至洛以此
前狀諮請倍深惶悚小生舌箴更改三五字不欲兩
本流傳今謹錄新本獻上舊本伏望封還如不能遠
寄伏惟必賜焚却下情切望趙總管知廣州時多此
呂下旬方此至伏惟照察謹狀

唐故左神策軍護軍中尉兼左街功德使知
內侍省事劉公神道碑

宸極正位運四時者璇樞太微啓扉分兩垣者上將
其或道兼文武動著旂常稟嶽立之神姿蘊泉滍之
深識存也山憲入孝愛敬歸後已灑澤滌泉始終

一貫求之斯古不亦難哉公諱玢號前京兆雲陽人
也派流甚遠珪組相承炳焯周邦光揚火牒曾祖恩
官止同州白水縣令祖信終于漢中拋折衝都尉父
英皇左武衛中郎將歷階勲至游擊將軍上柱國皆
績前緒踐履夷途或酬恕而行俾人歸厚或強毅以
立顧敵必摧不顯當時宜生達者公十有五乃應選
用冲和之美暢茂於四肢喜愠之來不塵於絕境亦
由崑岫片玉嶧陽孤桐生稟異姿終成重器始署雲
騎尉賜緋累遷內侍省內僕寺丞密侍赤墀飛聲紫
禁值操不逾於規矩抗志已在於丹青無何丁郎將

憂直泉服喪杖而後起不辭王事是謂從權俄授徵
事即內侍省府局令屬劉闢逆命禁旅徂征護沂龍
梟騎之鋒平井絡鳴張之虜始以義擊俄焉凱歸由
是有輕車都尉之授旋又將命撫循自靈州以屆于
邊摘軍五城勤役萬里懋乃休績簡于天心加銀甲
赤紱之賜充天威軍使奉詔蠻方再女憬俗倣儻扶
義有此馭之風感激捐驅忘玷為之苦恩禮浹洽要
荒晏如尋自奚官局丞擢翰林院使遷署重深天顏
咫尺導才臣之啓沃廣睿哲之聰明公學富丘墳智
參神化叶機於命護揮玉猷故事藹然內庭繫賴

加內侍伯貳副軍中尉副左往功德之任紫文龜甲
之寵以昭其庸武旅烏藻之帥實為之佐檢校司空
王公諤之授鉞河東也改內給事為之護軍以金蘭
之契睦於元帥以泉海之量接于賓僚三軍照愛日
之和列翬靡清風之惠洎振武失守王將遁逃朝庭
軫憂慮焉邊患因命尚書張煦節制是邦詔公領步
騎五千為之聲援公內運秘計外示閑安詭以巡邊
掩其無備長驅猛銳深入壘門乃以宣勞之名俾其
少長皆會然後擒執魁首寘之典刑戮三百餘人闔
城股慄昔武安之阬趙卒莫辨幽寃韓信之戰井陘

徒聞疾聞未若公德刑具舉威惠皆宣乘駟上聞班
師舊鎮司徒既歿承乏總戎而高平公奔葉相門一
時盛惠與公虛舟相待朱瑟諧音淡然而成去如始
至尋又奉詔巡邊以觀軍實北至鉤注東達飛狐道
里曲折不遺於掌握兵機竒正盡在於襟靈士懷挾
纘之恩人感投醪之醉壺漿塞路幼艾爭先爰寫山
河存於繪事憲宗悅而加歎嘗置座隅得李恂之圖
書乃知聚落觀千秋之畫地盡見山川加朝議大夫
內侍省內常侍復歸舊鎮報忠勞也上以公器能可
以居機權可以參密勿逐發中詔俾還京師故

內飛龍使換右神策軍副使飛龍掌天驪之閑古太
僕之職也禁旅總蘭綺之兵古上卿之寄也公或爲
長或爲副益選衆而舉惟材是擇翌日命知樞密公
揣摩心術練達國章謀無不成運有餘裕當神武經
緯之際王師戡定之初一日萬機畫嘗三接忠猷隱
於聞聽嘉謀秘於宮闈畧而不書益溫樹不言之義
也真拜內常侍知內侍省事旌其忠力賜名弘規弘
者光大之稱規者規範之謂合此二義表茲一心俄
而淄青干紀兵集淮海以公累護戎事尤邃武紆出
爲淮南監軍委以攻討鳴鐘鼓以問罪運籌策以出

奇方厲志於戈矛遽纏哀於風樹抱終身之痛自達
神明嘗赴難之辰敢避金革起復寧遠將軍依前充
監軍使元惡既殲復掌樞密憲宗憑几大漸召公受
遺穆宗膺圖御代繫公定策捧日而昇黃道翼龍而
上赤霄名節功勛光昭圖史遷忠武將軍內侍省少
監賜上柱國進雲麾將軍服闋授銀青光祿大夫監
門衛將軍知內侍省事封彭城縣開國子累封沛國
公食邑三千戶賜以長戟列之朱門守約鳴謙不有
其貴屬幽鎮首禍趙魏挺災公內竭謀猷定指蹤之
計外緝機務當政賦之源慮不及私居嘗慎獨懸水
鏡而情無隱伏持權衡而心靡重輕疑然如日以鏡
群動逮長慶季歲穆皇戾已彌留公志仗神明心存
王室請立先后以爲副軍望涕抗詞晉陳大計舉觴
瀝款衆議皆從延年離席而社稷已安趙喜橫堦而
尊卑乃定惟公方之諒無慙德公以名遂身退舉能
進善人之高躅也乃推同志固繁機遷充監門衛上
將軍知省事復爲河東監軍使拜江五墀寵錫金帶
雖魏后深恩授劉稹之部落吳君密渥賜陸遜之金
環煥赫輝榮莫逾於此穆宗厭代先后嚮明公懇請
會朝旋奉俞詔拜特進行右武衛上將軍公以子牟

之戀常懷魏闕汲黯之志惟在漢庭懇辭北轅上不
能奪尋除內宅使鴻臚禮賓等使前代特進位次三
公居驃騎儀同之上非茂勛俊惠曷以處之遷左神
策軍中尉兼左街功德使漢氏京師有南北軍之屯
武帝旣平百粵內增七校今之中尉寔司其任公閱
禮敦詩深知將帥之體安人和衆實有經武之材以
清淨禮緇黃以慈惠親戎旅西方之教不肅而成北
落之衛隱然難犯吐論必援於經史耽翫惟志於圖
書遇物而涇渭自分立誠而風雨如晦權雖侔於魏
霍主意益親寵雖盛於金張人心咸悅非全不曠度
豈能臻於此歟公志氣方疆春秋甚富將欲揚威遠
海耀武龍庭展報國之壯圖恢致君之遠畧勞而生
疾懇請辭榮天子憂呂蒙之未瘳委丹景之卧鎮近
臣挾醫而駢至中使賜藥以交馳心徒傾於太陽命
已迫於朝露洒血懷感落手歸全以十一月二十八
日薨於長安來遲里第享年五十二遺表獻名馬雕
鞍寶器犀帶臣子之戀不其至乎敬宗當宁流襟廢
朝三日贈開府儀同三司贈絹一千匹布四百端錢
三千貫上擬三台之耀下管九泉之榮禮命所加冠
於當代朝廷碩臣聞必興歎和壘故校相視潛然昔

李將軍之殂人皆流涕以其信結於士大夫公近之
矣况公瞑目之後曾未經旬變起林光災纏霄極則
知日碑已歿何羅之豐遂成許楮既終徐地之媛莫
過惟公峯巒聳拔挺秀色於晴霞律呂含和流清音
於大厦志必存於經濟量莫挹其冲深思若涌泉智
如炙輶決勝千里通知四夷察情偽之端達幾微之
際故天子虛已以聽詢謀允諧道不取於苟容言必
歸於中正居平而博厚泛愛臨事而感槩立名體征
虜之奉公得亞夫之守節公之掌樞也屬穆皇寢疾
逾年公之總戎也屬敬宗朝廷多事公協和將相安

邦家勁草不搖蓋松自直傳傳公家之利知無不

為忠也送往事居俱無忤色貞也惟公有之矣惜乎
未及中壽俄歸杳冥景已戢於虞泉名空留於簡冊
可不悲哉夫人密國夫人李氏懿行蘭薰貞風玉瑩
榮封石窳寵章全德惠禮茂於宗姻洵美光於內則
悲深畫哭痛結泉臺有子五人長曰行立朝散大夫
內侍省宮闈局令上柱國彭城隄關國伯賜緋魚袋
次日行深中散大夫內侍省給事賜紫金魚袋次日
行元

賜綠次

日行先朝散大夫內侍省局丞上柱國

次日行

咸以珪璧之姿藻身文囿鴻鵠

之志矯翼禁林朱紫連華閨門雍睦忠出於孝習五

龍之後才喪過乎哀有三連之深感粵以大和元年

十一月十四日即幽窆於川漣之西禮也首為啓兆

悲壟樹之長陰白鶴臨風嗟吊賓之遽返永圖丕績

乃篆貞珉銘曰

皇王神化仰濩星樞始自絲忽風行八區誰參其任

公實帝俞出吐君命入誅臣謨其惟后建邦外分番

岳粵則佳襄維惟胡漢誰一護其軍公多智畧恒翰

寧王猷允若其漢家宮室上應微布列環衛其

武威誰司其柄公達戎機英王流眄忠賢是依其內

外之寄安危所注惟公全德乃暢機務笑璧良珪瑞

質凝素霜戟寶刀森然輝庫其天挺奇志貞若渾金

出入三紀賢明一心寒松在巘霜霰寧侵皇澤之厚

川流比深其趙孟愒景光音遂遠長卿病瘠藥石皆

晚靈芝難駐奇香莫返光碎珠泉芳消蘭畹其鹵簿

詔葬城闕之東列旌旗於素漣凝簫挽於朔風落撼

撼之霜葉叶離離之晚鴻時一往兮舟壑逝魂歸來

兮松栢中其七

卷之六

九

唐故開府儀同三司行右領軍衛上將軍致仕上柱國扶風馬公神道碑銘并序

夫隴坻長松必備明堂之制荆岑璞玉終為大國之寶士或起漁釣而遭時會亦有披荆榛而贊王業求之古何代無賢大和六年開府儀同三司右領軍衛上將軍致仕上柱國岐山公實封三百戶扶風馬公以侯印罷歸至開成六年九月四日薨於永嘉里第享年六十三詔贈揚州大都督明年二月八日以鹵簿鼓吹葬於京兆灊陵之原馬公即國之盡忠衛王之臣也公諱存亮字季明大父蓮皇銀青光祿大夫考操皇朝議郎房州長史公之先族趙奢嘗以百萬勁兵號為馬服制秦吞魏因而氏焉厥後文武派分英華不絕武則仲威百蠻鑄銅而表海文則研道六經施帳而授業公繼前業蔚為茂器終始一貫貞明六朝德宗時弱冠筮仕風儀夙成帝欲分綺季之勞翼皇儲之重於是暫離武帳出侍龍樓替蘭英結珮之馨規桐葉剪圭之戲此則史冊之保護也帝欲秩出納之司糾梯航之貢於是副洪羊而實天庫佐安國而裨冰衡此又孔僅之方畧也帝欲具飾車旂宣月公於是典其寮案重立規模疊烟霞以散王

侯卷五 虬而給妃后卿霽施彰於五輅日華搖裔於
九游此又叔孫通之文物也帝欲順時巡以察風俗
先品實以奉園陵公於是廣靈囿以樹農功采類官
以列珍饌瀆后稷播殖之道過嗇夫捷給之詞此又
卜式之理上林也帝欲昆夷即序士馬無譁公於是
視秩視玉鈐榮加金鈕以奇謀而協上將以忠懇而
暢皇猷尺籍五符之勤訓馬簡士之要雖程功於衛
霍終歸美於程李此又許歷之副趙奢也元和十三
年公自神策軍副使詔受雲麾將軍左監門衛將軍
知內侍省事兼左街功德使公於是金湯天壘雷雷
皇威斥游遊於五營取材能於士率備牙爪則數逾
十萬竭心膂則酬必九遷貔貅虎豹之師鵝鶴魚麗
之訓文酋貝冑之盛羽葆靈旂之飾奉元會則雪霜
委積於殿廷侍郊丘則錦綉施張於原野公珪璋挺
器禮樂資身輦下無睚眦之徒轅門多溫恭之士知
呂蒙於行陣重卻縠於詩書晉代名卿咸授趙襄之
舉漢朝武畧多由去病之門此又方召之佐宣王也
敬宗時宮掖魚虞蜂蠆暴起塵竊王座熊突彤闈良
媛以羅袂當衝侍臣以藥囊捍患宸慮未經於細柳
天行俄及於聖皇何羅之讒勢始萌日殫之心已動公

於是覽義氣之轡駐豐隆之馭闕翠壁而納玄日闢
獸落而留六龍指麾殄寇之兵調停太官之膳群兇
既成於京觀廢官方及於乘輿公乃率玄甲而清紫
微奉翠華而入黃道此又耿弇安若父清妖孽也於
是真食井賦紀功析常文錦玉帶綢繆蕃錫公辭榮
畏滿名遂身退坐罇俎而監淮海衛瓘之忠勤也馳
輶車而歎天闕子牟之誠懇也捐寵綬而授松檟揚
王孫之達命也歸鄉里而散金帛蘇季子之行義也
慶忌嫉邪之心萬石周慎之志保貞廉而碎骨惡詭
慝而忘身思患觀漏河之初知機地履霜之漸士君

子所以推公之明識也公始罷淮南監軍使詔除

飛龍使在苒一紀劬勞六閑朝習華駟莫巡棧皂無
善通於來代旋以股肱近地河閔要津爰輟信臣再
監戎旅繡衣晝行於阡陌金俎暮奠於松楸為子為
臣忠孝備矣既而以疾告老乞還京師累表抗辭留
中未下天子眷懷耆舊注意貞良久而乃從不奪其
志此又終始之大節古今之至人長慶初某忝職內
庭獲覩公之儀表玉山峻嶺瓊樹高柯霍子孟賚性
端莊進有常處張子孺小心畏忌每遠權勢御札盈

凡天香滿衣駿八駿而幸玄洲捧六鈞而殪青兕勛
名光焯當代莫儔夫人岐國夫人王氏寶劔早沉於
清渭珠光先閔於黃泉嗣子瓊林使朝議大夫行內
侍省奚官局令上柱國扶風彪開國公食邑二千戶
襲重封一百五十戶賜紫金魚袋元某風稟英才早
聞詩禮守公瀆度以紹家風次子幽州監軍使朝議
大夫行內侍省內僕局令上柱國賜緋魚袋元昔朝
議大夫奚官局令上柱國賜緋魚袋元儋儒林郎守
內侍省內府局丞上柱國元真等金貂相映朱紫交
輝鳳毛輝於一門驥足皆期於萬里以某知公
見於斯文刻石路隅及紀佳績俾後代知天子
鼓輦而憶名將鑿丹青而思蓋臣乃為銘

明堂巍巍天駟前施木帝乘馬是能星馳鳴嚼錚錚
車馬是司趙秦同出後有帝枝馬服生趙秦鹿交馳
戰國更霸迭相盛衰趙困長平秦始開基劉累遠孫
剪秦無遺劉即范氏累乃龍師厥派緜緜尋源乃知
貞元年中公侍丹墀一善及物知無不為進退諤諤
行無越思明明六聖信任不疑赫赫貞臣顛危必持
理身清靜成國雍熙實本兵柄左右皇威內訓七萃
七萃如貔外遏百蠻百蠻以綏冬有愛日人心所歸

疾風勁草輿論欽之始去蔡衛萬夫涕洟逮總天廡
六閑允釐畫事國形神久疲監視諸侯琴書自怡
金印組綬去之若遺陶徑潘國優游在斯長慶六年
詔樹豐碑上將刻字文以好辭後十六年畫臣其妾
原阡松檟芳霜露已滋苑池臺榭芳榛蕪可悲觀塵
根芳空嗟蔓草篆貞珉兮攸媿色絲

李文饒別集卷第六

李文饒別集卷第七

紀六晉

掌書記廳壁記

丞相鄒平公新置資福院記

三聖記

重寫益州五長史真記

懷松樓記

玄真子漁歌記

祭文

祭唐叔文

祭苜相文崖州

掌書記廳壁記

章報書記雖列於上宰之庭然本為從軍之職故楊
雄偁軍旅之際飛書馳檄用枚臯非夫天機殊健學
源濬發含思而九流委輸揮毫而萬象駿奔如庖丁
提刃為之蒲志師文鼓瑟效不可窮則不能偁是職
也昔安豐侯竇融徵還京師光武問曰所上表章誰
與參之融曰皆從事班彪所為及竇憲置寵班固傳
教之徒皆置之戎幕以典文章憲即文章之盛冠於
當代魏氏以陳琳阮瑀管記室自東漢以後文才高
名之士未有不出於是選其簡才之用亦金馬石
之亞况河東精甲十萬提封千里半雜胡駢逆制
朔惟師旅之威容為列藩之儀表典茲羽檄代有英
髦間者吳少微富嘉謨王翰孫逖咸有制作存於是
邦其所不知益闕如也暨太尉臨淮王總節制之師
德裕叔父嘗與斯職尋以才識英妙肅宗召拜監察
御史厥後僕射高貞公今河陽節度令狐公以人文
掌宸翰國子司業鄭公給事河南尹杜公以才華登
貴仕繼斯躅者不亦盛歟丙申歲丞相高平公始自
樞衡以膺謀帥以右拾遺杜君為主記明主惜其忠
覘復拜舊職尋參內庭視草之列次用殿中侍御史

崔君德裕獲接崔君之後文學空虛才術莫追繼清
塵於吾祖挹芬烈於前賢先是廡廊之下有豐碑紀
其名氏而不書職業今再刊斯記于本署西垣以高
平公統戎焉始元和十四年四月十一日記

丞相鄒平公新置資福院記

夫威鳳之炳然非海晏則不至卿雲之靄然非氣和
則不至故君子藏器抱璞含忠毓德不遭遇其時則
光名不暉是以干木之退也高於千乘君曼容之仕
也止於六石石先僕射佩虎符而知足視蟬冕而蔑
如由斯志矣先僕射苞文武之道有清直之德良

美潤徒羨寶於荆岑喬木幽深不呈材於廊廟知
所以歎息也丞相鄒平公鍾是餘慶為唐寶臣公天
挺竒表角犀特秀居五嶽也稟太華削成之狀方四
時也得清秋爽朗之氣森矛戟以耀穎粲珪璋而洞
照蓋人之傑歟憲宗皇帝以神武之姿墜除苗害睿
慮澹以泉默英威赫而電斷竒權秘計皆中詔決之
參宸筭者惟公與二三麾士揣摩潤色繫公傅首既
平淮夷盪齊寇四罪咸服八表晏然雖則武力之拘
原亦由謀臣之決策洎今上之宅憂也袞龍未襲嚮
明未位召公於東宮含春殿歔歔前席付以大柄公

乃請偃武論道與天下休息上若涉水而得舟楫馭
馬而有銜轡始拜言以命咎即其時而相說君臣之
遇古無儔也公之爲政貞以制動平以偁物其志在
於識相體弘簡易而已嘗以爲用京房之瀆則煩碎
而亂理聽嗇夫之辨則捷給而傷化由是遵坦夷之
路窒邪枉之門不勤人以務遠耻竭澤以言利矧夫
洞虛明之境應必以誠端不言之蹊孰不歸我故奉
聖者偁公爲良相焉公之趨丹旆侍紫垣名冠近臣
寵加贈典先僕射自弭貂而升左揆先夫人由趙郡
而啓大國金印石窳當代榮之建中初先僕射以
下史參梓潼軍計典昌榮二部益部之內有林居
廛庾氏誅茅始傷於寄寓仲長樹果終見於繁蔚年
公纒佩觿志拾青紫方覃思於經籍未馳騫於文章
游焉息焉必在於是及鍾家難乃入爲官豈常太尉
鎮是邦也公釋褐從事在賓幄之間逮茲抗戎旌佩
相印曾未一紀繼爲三公下車逾月訪于舊館邵伯
之樹未剪武侯之廬猶在干公邑里遂見高車龍驤
門闕竟容長戟公瞻構灑泣循陔永思以爲徵壞壁
者夫子之居尚豎固朽宅者如來之乘斯遠孰若歸
於淨土環以香林乃購之於官以爲精舍又以桑門

之上晉者七人居之所以證迷途而資夙植也殿堂
層立軒房四柱鎔金作繪髣髴諸天况乎蜀山葱蒨
下臨於雉堞錦江明滅近繚於郊坵紅樹倚檻青蕖
傍砌海籬乍來靈章長秀彼之聰和音者不惟於寂
慮聞異香者自入於禪薰公之孝思永代作則豈止
何克之宅獨入擅那將與文公之堂俱為不朽某貌
焉孤生流落於代辱公感舊遂不見遺公自內庭升
台司居視草之列二三年間位借先達由是議人倫
者歸公之盛德不倍密坐驟變寒暑迂懸榻之念忝
授簡之思且嘗典綸綍獲備官寮報德不讓惧斯文
之闕焉長慶二年十月二十二日朝議大夫御史中
丞上柱國贊皇縣開國男食邑三百戶賜紫金魚袋
李德裕撰

三聖記

大聖祖玄元皇帝

有唐寶歷二年歲次丙午八月丙申朔十五日庚戌
玉清玄都大洞三道弟子正議大夫使持節潤州諸
軍事守潤州刺史兼御史大夫克浙西道都團練觀
察處置等使上柱國贊皇縣開國男食邑三百戶賜
紫金魚袋李德裕上為九廟聖主次為七代先靈下

為一切含識於茅山崇元觀南敬造老君殿院及造老君孔子尹真人像三軀皆按史籍遺文度垂不朽

老君

按史記孔子適周將問禮於老子老子曰子所言者其人與骨皆已朽矣獨其言在耳且夫君子得其時則駕乘不得其時則蓬累而行甘聞之良賈深藏若虛君子盛德容貌若愚去子之驕氣與多慾態色與淫志是皆無益於子之身吾所告子若是而已孔子去謂弟子曰鳥吾知其能飛魚吾知其能游獸吾知其能走走者可以為網游者可以為綸飛者可以為矰矰至於龍吾不知其乘風雨而上天吾今日見老子其猶龍耶

尹真人

按史記老子居周久之見周之衰乃遂去至闕闕令尹喜曰子將隱矣疆為我著書於是老子乃著書上下篇言道德之意五千餘言而去列僊傳曰闕令尹喜者周大夫也喜內學星宿服精華隱德行仁時人莫知也老子西遊喜先見其氣知真人當過物色而迎之果得老子老子亦知其奇為著書與老子俱之流沙西服巨勝實莫知所終

重寫前益州五長史真記

益州草堂寺

成都記云在府西七里去浣花亭三里

列畫前長史一十

四人

長節度非今賓佐也

帶代稱絕筆余嘗於數公子

孫之家獲見圖狀乃知草堂績事靡不造真者昔巖

野旁求徒聞審像稽山高遜惟上鎔金孰若記之丹

青妙畫神照楚國祠廟魯王宮室洎此邦文翁舊館

皆圖歷代卿相粲然可觀雖有慕於前良曾莫究於

形似豈與夫年代已遠遺像猶存入虛室而烟霞暫

披拂浮埃而瑤林斯覲余以精舍甚古貌像將傾乃

選其功德无盛者五人模於艷之聰所追維二漢臺

閣皆有圖馬黃霸于定國雖宰相名臣不得在畫像

之列卓于康德行君子而在功臣之右今之所取意

在斯乎既新光靈可想儼若神對吾將與歸因叙其

事詔請米哲大和四年閏十二月十八日西川劍南

節度副大使知節度事銀青光祿大夫檢校兵部尚

書兼成都尹御史大夫贊皇縣開國伯李德裕記

懷崧樓記

懷崧思解組也元和庚子歲予獲在內庭同僚九人

丞搨者五數十年間零落將盡今所存者惟三川守

李公而已

巴殘者西川杜公武昌元公中書常公鎮海路公吏部沈公左丞度公舍人李公

洎大和己丑歲復接舊老同升台階或繞歎止輿已
協白雞之夢或未聞稅駕遽有黃犬之悲何之榮華
可以悽愴况余憂傷所侵疲蕭多病嘗驚北叟之福
豈忘東山之歸此地舊隱曲軒傍施僻塊竹樹陰合
簷檻晝昏喧雀所依涼飈罕至余盡去危塚敞為虛
樓剪榛木而始見前山除密篠而近對嘉樹廳事前有大辛夷樹亦為草延清輝於月觀留愛景於寒榮晨懋宵
遊皆有殊致周視原野永懷崧峯肇此佳名且符夙
尚盡度公不淺之意為仲宣極望之心貽於後賢斯
乃無愧丙辰歲丙辰月銀青光祿大夫守滁州刺史
李德裕記

玄真子漁歌記

德裕頃在以庭伏覩憲宗皇帝駕真求訪玄真子漁
歌歎不能致余世與玄真子有舊早聞其名又感明
主賞異愛才見思如此每夢想遺跡今乃獲之如遇
良寶於戲漁父賢而名隱鷗夷智而功高未若玄真
隱而名彰顯而無事不窮不達其嚴光之比歟處二
子之間誠不裕矣長慶三年甲寅歲夏四月辛未日
潤州刺史兼御史大夫李德裕記

漁歌如左

煙波釣徒玄真子張志和

西塞山邊白鷺飛
桃花流水鱖魚肥
青箬笠綠蓑衣
斜風細雨不須歸

右一

釣臺漁父
楊為求兩兩二
解艫舟能縱櫂
慣乘流
長江白浪不曾憂

右二

雪溪灣裏釣漁翁
解艫為家西復東
江上雪浦邊風
吹着荷衣不歎窮

右三

松江蟹合主人歡
菰餈羹亦共飡
楓葉落荻花
醉泊漁舟不覺寒

右四

青草湖中月正圓
巴陵漁父權歌連
釣車子擲頭船
樂在風波不用僊

右五

祭唐叔文

維元和十二年歲次丁酉六月己未朔二十一日己卯
邠河東節度使檢校吏部尚書平章事張弘靖敢昭
告于晉唐叔之靈惟神娠母發祥手文為信殪徒林

之兕以啓夏墟受密瀕之鼓以疆戎索豈止削桐魚
戲歸禾有典宜在晉蕃育與周盛衰沈式瞻西山神
靈是宅每延烟夜簇嵐氣朝隣必膚寸而合油然以
遍蓄泄在我神宜王之屬淮雨爲災染盛將廢是用
率茲祀典以榮閔宮伏願降福蒸人撤茲陰沴俾三
農有望萬庾斯豐永儲穡物以答神祝尚饗

奈元和中掌記戎幕時因晉祠止雨太保高平
公命余爲此文嘗對諸從事偁賞以爲徵唐叔
故事迨無遺漏今遇尚書博陵公移鎮比都輒
敢寄題廟宇會昌四年三月十五日司徒兼門

下侍郎平章事李德裕

祭常相執誼文

維大中四年月日趙樾李德裕謹以蔬禮之奠敬祭
于故相常公僕射之靈嗚呼皇道咸寧藉于賢相德
邁臯陶功宣呂尚文學世雄智謀神貺一進謗疾投
身荒瘴地雖厚兮不察天雖高兮難諒野撥澗瀕是
薦和鬯信成禍深業崇身喪某亦竄跡南陬從公舊
丘永泯軒裳之顧長爲猿鶴之愁嘻吁絕域寤寐而
周儻知公者測公無罪不知我者謂我何求其心若
水其死若休臨風敬吊願與神遊尚饗

李文饒別集卷第七

李文饒別集卷第八

箴

丹宸箴六首并序

舌箴一首并序

銘

聖祖院石磬銘

鹿跡山銘

劔門銘

贊

圮上圖贊

大迦葉贊

丹宸箴并序

臣聞詩云心乎愛矣遐不謂矣此古之賢人所以篤

於事君者也夫迹踈而言親者危地遠而意忠者忤然臣竊念拔自先聖偏倚寵光若不愛君以忠則是上負靈鑒臣頃事先朝屬多陰診常獻大明賦以諷頗象先朝嘉納臣今日盡節明主亦猶是心昔張敞之守遠翫梅福之在遐徼尚竭誠盡規不避尤悔况臣嘗學舊史頗知官箴雖在踈遠猶思獻替謹稽晉上冊辰六箴具列于後仰塵睿覽伏積兢惶

一宵衣箴

先王聰政昧爽以俟雞鳴既盈日出而視伯禹大聖于陰為貴光武至仁反友不忌無俾姜后猶去簪

形管記言克念前志

二正服箴

聖人作服灑象可觀雖在宴遊尚不懷安汲黯莊色能正不冠揚阜毅然亦譏縹紕四時所御各有其官非此勿服惟辟所難毅然一作慨然矣

三罷獻箴

漢文罷獻詔還駮駟鑿輅徐驅安用千里殿后令王亦能恭已翟裘旣焚筒布則毀道德為麗慈儉為美不過天道斯為至理

四納誨箴

李衛公別集 卷之六

惟后納誨以求厥中從善如流乃能成功漢驚沉酒
舉白浮鍾魏叡後依凌霄作宮中雖不忤而善亦從
以視爲瑱是謂塞聰

五辯和箴

居上處深在察微萌雖有讒慝不能蔽明漢之孝昭
叡過周成上書知詐照姦得情燕益旣折王猷洽平
百代之後乃流淑聲

六防微箴

天子之孝敬遵王度安必思危乃無遺慮亂臣猖獗
非可遽數玄黃莫辨觸瑟始什栢谷微行豺豕

舌箴并序

戊辰歲仲春月戊申夜余宿於洞庭西夢與中書令
姚公偶坐如舊相識問余曰君見僕所作口箴乎余
對曰去歲居守東周於公會孫諫議某處觀金石之
刻遂堯爾而笑曰孫子猶能記之余以仲夏月達于
海曲嘗竊思之聖哲之言上可以動天地成典謨次
可以正人倫明得失默而不言後代何述焉繫辭云
不審則千里之外違之在植其所言而已矣豈不緘
其口銘其背以矯當世哉楊子稱孰有書不由筆言

不由舌張儀以舌存而交亂亦善不善之效也余感
姚公之夢乃為舌箴云

粵有帝舜泊於殷宗龍命惟允舜命九官自禹至龍

命龍說言乃雍代高宗夢傳說其周有良弼王之喉

舌鼓舞而生渙汗乃發傳以言旋作義易以講冒施

悅天以卷舌屏謔儒以金口駕說伯陽之誠柔存剛

缺言貴無瑕辯貴若訥則知門猶閉囊不在括是以

楊雄掉說者之寃梅福痛忠臣之結善乎先聖之言

既明且清國以之寧人之不朽犯無隱情無恃爾言

而馬不及嗟爾君子念茲在茲勿以寤一言而取

藉以舌三寸而為帝師徒見斐敬掉而獲爵不

其齟以可悲雖言必有中而適其時子房能用其策

難以爭立愛奉春善建不拔無以免係縲衛無盜莫

莫捫叔何哀於是出惟敬仲之難明由匠石之無質

揚子曰重則有瀆輕則招憂言能如是可以寡尤

聖祖院石磬銘

有美浮石淒若銅音笙竽合奏鸞鷲在林清越盈耳

和愉感心懸之玉宇永託僊岑

鹿跡山銘

不動者山不死者仙山在僊存真訣不傳猗歟先生

耽道體玄騰駕素鹿遨遊紫烟時憇蓬壺下視桑田
一往茲山于今幾年茲山岑寂先生是宅清泉綠蘿
獨與世隔我居洞宮人見崖壁空留鹿跡永存幽石

劍門銘

群山西來波積雲屯地險所會斯為蜀門層岑峻壁
森若戈戟萬壑奔東雙飛高關翠嶺中橫黯然黛色
樹茲雄屏以衛王國劍門當中有峯峻嶮橫峙型若列屏此一峯最奇而說者未
嘗及峯拔并幹溪回溝洫嚴守重扃隱如臨敵運有
隆替地無險阨閉于昏頑開于有德馬錯西伐蜀戾
敗績文出陰平禪亦來格粵在憲祖英威四克始
蜀妖遂清劫棘蠻夷軌道諸侯述職武臣銘之金
乃刻

圯上圖贊

夫天所以晬清者其氣理也故能四時變化萬物繁
然倦則陰陽為灾光景不耀而况於人乎人亦肖圯
方之形稟清濁之氣存神索至極物窮情則倚伏之
先見其如視矣子房潛心於神而達之見其圓狀如
得其粵則有文子之粹美嬰兒之專和粹所以含至
精專所以研至黷散萬金之資柔毅也祖萬乘之仇
仁勇也學禮老人履方也變名圯上避世也若乃五

百爲期三往增敬則尾生之信道道矣退不離國心不
忘君則鳩夷之遁非忠矣合時變以蟬蛻望僊路以
鴻冥優游於綺皓之門髣髴乎赤松之際豈不善始
善終哉黃石者其天地之蘊神明之壘歟不然則無
以覺悟子房輔翼天漢嗟乎喪亂既定韜匱而葆祠
之生也奉符歿而同穴有以見子房之神交不渝矣

大迦葉贊 頭陀第一

惟大迦葉依無上智初分寶坐終授密記晚遇金粟
乃知平地潛形雞足以待慈氏

李文饒別集卷第八
李文饒別集卷第九

平泉山居戒子孫記

經始平泉追先志也吾隨侍先太師忠公在外十四
年上會稽探禹穴歷楚澤登巫山遊沅湘望衡嶠先
公每維舟清眺意有所感必凄然遐想屬目伊川嘗
賦詩曰龍門南岳盡伊原草樹人烟目所存正是北
州梨棗熟夢魂秋日到郊園吾心感是詩有退居伊
洛之志前守金陵於龍門之西得喬處士天寶末避
地遠遊爲荒榛首翠微山尚有薇蕨山陽舊徑唯餘
行木吾乃剪荆榛驅狐狸如立班生之宅漸成應叟

之地又得佳景珍木奇石列於庭際平生素懷於此
足矣吾嘗以出處者貴得其道進退者貴不失時古
來賢達多有遺恨至於玄祖潛身於柱史柳惠養德
於士師漢代丙粵容官不過六百石終無辱殆邈難
及矣越蠡激文牛以肥遁留侯託黃老以辭世亦其
次焉范曄感蔡澤一言超然高謝鄧禹見功臣多敗
委遠名勢又其次也矧吾者於葵無衛足之智處有
不鳴之患雖有泉石杳無歸期留此林居貽厥後代
鬱平泉者非吾子孫也以平泉一樹一石與人者非
佳也吾百年後為權勢所奪則以先人所命泣而
之此吾志也詩曰維桑與梓必恭敬止言其父所植
也昔周人之思召伯愛其所憇之樹近代薛令君於
禁省中見先祖所據之石必泫然流涕汝曹可不慕
之唯岸為谷谷為陵然已焉可也

平泉山居草木記

余嘗覽想石泉公家藏藏書日有園庭草木蔬則知
先哲所尚必有意焉余二十年間三守吳門一蒞淮
服嘉樹芳草性之所耽或致自同人或得於樵客始
則盈天今已豐尋因感學詩者多識草木之名為騷
者必盡蓀葑之美乃記所出山澤廢資博聞木之奇

者有天台之金松瑛樹稽山之海棠榷檜剡溪之紅
 桂厚朴海嶠之香標木蘭天目之青神鳳集鍾山之
 月桂青颺楊梅曲房之山桂温樹金陵之珠栢藥荆
 杜鵑郊山之山栳側栢南燭宜春之柳栢紅豆山櫻
 藍田之栗梨龍栢其水物之美者荷有蘋洲之重臺
 蓮芙蓉湖之白蓮茅山東溪之芳蓀復有日觀震澤
 巫嶺羅浮桂水嚴湍廬阜漏澤之石在焉其伊洛名
 園所有今並不載豈若潘賦間居稱郁棗之藻麗陶
 歸衡字喜松前之猶存爰列嘉名書之于石已未歲
 又得番禺山石於宛陵之紫丁香會稽之白葉木
 之俱邠衛台嶺八公之怪石巫峽之巖湍琅和臺之
 水石布干清渠之側仙人跡鹿跡之石列於佛榻之
 前是歲又得鍾陵之同心木芙蓉剡中之真紅桂稽
 山之四時杜鵑相思紫苑貞桐山茗重臺薔薇黃檉
 東陽之牡桂紫石楠九華山藥樹天蓼青檉黃心栳
 子朱杉龍骨自後庚申歲復得宜春之筆樹楠稚子
 金荆紅筆密蒙勾栗木其草藥又得山薑碧石合

金松賦并序

廣陵東南有顏大帥猶子舊宅其地即孔北海故臺

予因晚春夕景命駕遊眺忽覩奇木植於庭際枝似
檉松葉如瞿麥迫而察之翠葉金貫粲然有光訪其
名曰金松訊其所來自得於台嶺乃就主人求得一
本列於平泉今聞封植得地枝葉茂盛叙其所自作
此賦

青春已暮白日將夕經顏子之故巷訪孔公之舊宅
美珍木之在庭得嘉名於樵客曩擢本於台嶺近徒
根於簷隙其柯蕭蕭可比於真松其葉纖纖寔侔於
瞿麥風入葉而成韻露垂柯而流液不受命於嚴霜
諒同心於金松春雷而葱蒨映夕陽而灼爍疑翠
混之群芳金松之旁射襟爽籟於簷竹混晶光於
瑤碧奇樹以垂珠而擅名金松以潛穎而莫覲亦猶
處子在於隱淪奇才遺於草澤我有衡宇依山岑寂
類仲長之清曠如蕭宰之窮僻託根此地似在崖壁
殊橘柚之不惡同其崇之可惜庶封植於園林永愛
玩而無斁

靈泉賦并序

予林居西嶺平壤出泉廣不逾尋而深則盈尺自東
鄰故丞相崔公至谷口故丞相司徒李公凡別墅五
六皆謂之平泉寔發源於此觀其湧不騰沸淡然冽

清冬温夏寒明媚可鑒其靈泉之蘊也予往歲獲戾
 放逐再罹謗傷泉必變色久而後復昔傳長虞庭有
 湧泉以其色在夏則冷涉冬而温乃為神泉賦况潛
 靈蘊異美過神泉因效長虞所作偶成此賦一作擬
 山下出泉厥壤非石隨淺深而見底實秋毫之可析
 其瑩若織埃之映琉璃微虫之潜琥珀上瑕瑜而不
 掩鏡妍媸而盡覲且夫動則廣大止則虛明如君子
 之絕德乃望表而見情發源而東石谷皆盈既處高
 而就下雖遇坎而亦平曩者方聘康衢俄驚覆輒泉
 色暫晦今泉發又如塵掩懸黎霧昏秋月累久而
 翳盈旬乃其脉引清泚環匝荆扉淪漣駕照物
 色殊暉孕蘋藻為瑤碧涵沙礫為珠璣歷長坂而鱗
 爛度小山而雪披若乃砥石於宇折波自陂入虛白
 而透迤浮縹清而繚繞氣潤蘅蘭色滋松篠含逸響
 於桐林動孤光於溪鳥於是列植芳菊華艷芊綿漬
 漪瀾而更馥搖霽景而相鮮葉凝夕露叢靄秋烟美
 楚人之飡羨慕胡公之飲泉况復自亭徂溪黃綠數
 里懸瀑溜於碧潭散浮湍於清泚乘鷁舳以晨泛聽
 菱歌而夜起見蕙葭之始香疑湘沅之在此重曰原
 隰既平泉流既清三逕未荒萬水向榮感棣華之零

落愴時鳥之相鳴恐閱水兮日逝且歸來兮養生

秋聲賦并序

昔潘岳寓直騎省因感二毛遂作秋興賦况予百齡
過半承明三入髮已皓白自中書舍人及清秋可悲
尚書十一大鵠掖上寮人文大匠聊為此作以俟知

音

露華肅天氣晶碧空無氛霽海清明當其時也草木
陰蟲皆有秋聲自虛無而響作由寂寞而音生始蕭
瑟於林野終混合於太清出哀壑而憤起臨悲谷而
怨盈朔風聽日增逝孤猿聞而自驚此聲也異桐竹

之韻非金石之鳴足以動羈人之魄感君子之情況
乎臨淄藻思薛縣英名遽興華屋之歎預想曲池之
平豈待琴而魂散固聞笛以涕零亦有毀家蔡琰降
北李卿聽朔吹之夜動見霜鴻之曉一既慷慨而訴
曲獨汎瀾而流纓雖復蘇門傲世秦青送行詎能寫
自然之天籟究吹萬之清泠客有貞詞瀏澆逸氣縱
橫賦掩漏卮之妙文同蟠木之精聊染翰以寫意期
報之以瑤瓊

牡丹賦并序

予觀前賢之賦草木者多矣靡不言託植之幽深採

斷之莫致風景之妍麗追賞之歡愉至於体物良有
未盡惟牡丹未有賦者聊以狀之僕射十一丈蔚為
儒宗詞賦之首聲氣所感或能相和又見陳思王賦
序多言命王粲劉楨繼作今亦效之邀侍御裴舍人
同作

青陽既暮鷓鴣已鳴念蘭若之方歇歎桃李之陰成
惟翠華之艷燭傾百卉之光英抽翠柯以布素繁紅
芳而葳榮其始也碧海霄澄驪珠躍出深澗曉霽丹
梓吐實煥神龍之銜燭皎若木之並日其盛也若紫
芝連葉鸞雛比翼奪珠樹之鮮輝掩非煙之奇色儼
忽摘錦綵葩似織其落也剛豔未攄紅衣如脫朱草
柯折珊瑚枝碎霞既饒而轉研紅欲消而猶絳爾乃
擱含芳意幽怨殘春將獨立而傾國雖不言兮似人
觀其露彩猶泫日華初照燁其晨葩情若微笑色雖
美而自艷類河汾之窈窕逮乎的皪含景離披向風
鈿華春而思蕩蘭澤晚而光融情放縱以自得凝若
煥之冶容既而華豔恍惚繁華遽畢驚寶雉之乍廻
想江妃而復出望獻璫之玉俄以蔽光感懷佩之川
悵然如失客顧余曰勿謂淑美難久徂芳不留彼妍
華之閱世非人壽之可傳君不見龍驤閉宏池臺御

溝堂挹山林峯連翠樓有百歲之芳叢今京師精舍甲第猶

有天寶中牡丹在無昔日之通俠豈暇當飛霍之時始嗟零

落且欲同樹萱之意聊自忘憂

近於伊川卜山居將命者畫圖而至欣然感

聊賦此詩兼寄上浙東元相公大夫使求青

田胎化鶴乙巳歲作

弱歲弄詞翰遂叨明主恩懷章過越邸建旆守吳門

西地陰難駐東臯意尚存慙逾六百石愧負五千言

寄世知嬰繳辭榮類觸藩欲追縣上隱况近于平林

邑有桐鄉愛山餘黍谷暄免非迓相地乃是故侯園

野竹多微逕岩泉豈一源映池方樹密傍澗古藤繁

中杖堪扶老黃牛已服轅只應將唳鶴幽谷共翩翩

憶平泉山居贈沈吏部一管中書作

昔聞羊叔子茅屋在東渠豈不念歸路徘徊畏簡書

乃知軒冕客自與田園踈歿世有遺恨精誠有所如

嗟予寡時用風志在林間雖抱山水癖敢希仁智居

清泉繞舍下脩竹蔭庭除幽徑松蓋密小池蓮葉初

從來有好鳥近復躍儵魚少室映川陸鳴臯對蓬廬

張何舊寮案予與吏部乃金門寮故也相勉在懸輿常恐似伯丑

瞻前慙魏舒

夏晚有懷平泉林居 宜春作

孟夏守畏途捨舟在徂暑愀然何所念念我龍門塢
密竹無蹊徑高松有四五飛泉鳴樹間颯颯如度雨
前桂秀層嶺芳蓀媚幽渚稚子候我歸衡門獨延佇
誰言聖與哲曾是不懷土公旦既思周宣尼亦念魯
矧余竄炎裔日夕誰晤語眷闕悲子牟班荆感椒舉
悽悽視環玦惻惻步庭廡豈待莊舄吟方知倦羈旅
早秋龍興寺江亭閑睡憶龍門山居寄崔張

舊從事 宜春作

江亭感秋至蘭徑悲露泫杭稻秀晚川杉松鬱情
嗟予有林壑茲夕念原行綠篠連嶺多青莎近溪淺
洲明菊猶在仲蔚蒿莫剪喬木繁凌蒼陰崖積幽蘚
遙思伊川水北渡龍門峴蒼翠雙闕間逶迤清灘轉
故人在鄉國歲晏路悠緬惆悵此生涯無由共登踐
比聞龍門敬善寺有紅桂樹獨秀伊川嘗於
山南諸山訪之莫致陳侍御知予所好因訪
剡溪樵客偶得數株移植郊園衆芳色沮乃
知敬善所有是蜀道箇草徒得嘉名因賦是
詩兼贈陳侍御 金陵作

昔聞紅桂枝獨秀龍門側越叟遺數株周人未嘗識

平生愛此樹攀翫無由得君子知我心因之為羽翼
豈煩嘉客譽且就清陰息來自天姥岑長疑翠嵐色
芬芳世所絕偃蹇枝漸直瓊葉潤不凋珠英粲如織
猶疑翡翠宿想待鸚鵡食寧止暫淹留終當更封植

懷山居邀松陽子同作

我有愛山心如飢復如渴出谷一年餘常疑十年別
春思巖花爛夏憶寒泉冽秋憶泛蘭卮冬思翫松雪
晨思小山桂暝憶深潭月醉憶剖紅梨飯思食紫鱖
坐思藤蘿密步憶莓苔滑晝夜石刻中愁腸幾回絕
每念羊叔子言之豈常輟人生如意事十乃居七八
我未及懸輿今猶佩朝綬焉能逐麋鹿便得遊林樾
荒恣滄波舟張惟赤松列惟應詎身恤豈敢忘臣節
器滿自當歌物盈終有缺從茲返樵逕庶可希前哲

思歸赤松村呈松陽子

昔人思避世惟恐不深幽石慶潛名岳鷓夷淶釣舟
顧余知止足所樂在歸休不似尋山者忘家恣遠遊

近臘對雪有懷林居

蓬門常晝掩竹迳寂無人鳥起飄松霰麇行動谷榛
應知禽魚侶合與薜蘿親遙憶平臯望溪烟已發春

李文饒別集卷第九

李文饒別集卷第十

思山居一十首

清明後憶山中

遙思寒食後野老林下醉月照一山明風吹百花氣
飛泉與萬籟髮鬢疑簫吹不待曙華分已應喧鳥至

題寄商山石

綺皓巖中石嘗經嘆隱淪紫芝呈幾曲紅蘚閱千春
聊用支琴尾寧惟倚病身自知來處所何暇問嚴遵

憶種蔗時

尚平方畢娶踈廣念歸期澗底松成蓋簷前桂長枝

逕閑芳草合山靜落花遲雖有旅園在無因及種時

春日獨坐思歸

壯齡心已盡孤賞意猶存豈望圖麟閣惟思卧鹿門
魚謀堪適野何力可拘原只有客身去幽山自灌園

思登家山林嶺

自知無世用只是愛山遊舊有嵇康嬾今慙趙武偷
登巒未覺疾汎水便忘憂最惜殘筋力捫蘿遍一丘

思鄉園老人

常羨車門翁所思惟歲稔遙知松月曙尚在山窻寢
蘭氣入幽簾禽言傍孤枕晨與步巖逕更酌寒泉酌

寄龍門僧

龍門有開士愛我春潭碧清景出東山閑來翫松石
應憐林壑主遠作滄溟客爲我謝此僧終當理歸策

憶藥苗

溪上藥苗齊手茸正堪掇皆能扶我壽豈止堅肌骨
味掩商山芝英逾首陽蕨豈如卦谷士只得香泉啜

南陽甘谷有菊
水是湖廣者

憶村中老人春酒

有劉揚二
叟善釀

二叟茅茨下清晨飲濁醪雨殘紅芍藥風落紫櫻桃
巢燕啣泥疾簷虫掛網高閑思春谷事轉覺宦途勞

憶葛勝木禪床

憶我齋中榻寒宵幾獨眠管寧穿亦坐徐孺去常懸
虫網垂應遍苔痕染更鮮何人及身在歸對老僧禪

初夏有懷山居

山中有所憶夏景始清幽野竹陰無日巖泉冷似秋
翠岑當累榭皓月入輕舟只有思歸夕空簾且夢游

張公超谷中石

鼓篋依綠槐橫經起秋霧有時連岳客尚辨絃歌處
自予去幽石誰人襲芳杜空留古苔石對我岩中樹

初歸平泉過龍門南嶺遙望山居即事

初歸故鄉陌極望且徐輪近野樵蒸至平泉煙火
農夫饋雞黍漁子薦霜鱗惆悵懷楊僕慚為閑外人

伊川晚眺

桑葉初黃梨葉紅伊川落日盡無風漢儲何假終南
客角里先生在谷中

潭上喜見新月

簪組十年夢園廬今夕情誰憐故鄉月復映碧潭生
皓彩松上見寒光波際輕還將孤賞意暫寄玉琴聲

郊外即事奉寄侍郎大尹

高秩慙非隱閑林喜退居老農爭席坐稚子帶經鋤

竹徑難廻騎僊舟但跼予豈知陶靖節祗自愛吾廬

山居遇靈喜道者相訪

幽居近谷西喬木與山齊野竹連池合巖松映雪低
喜君來白杜值我在青谿應笑於陵子遺榮自灌畦

靈霽晨起

雪覆寒溪竹風卷野田蓬四望無行跡誰憐孤老翁
洛中士君子多以平泉見呼愧獲方外之名

因以此詩為報奉寄劉賓客

非高柳下逸自愛竹林閑才異居東里愚因在北山
徑荒寒未掃門設畫長閑不及鷓鴣子悠悠烟水間

早春至言禪公法堂憶平泉別業金陵作

昔我伊原上孤遊竹樹間人休紅桂靜鳥傍碧潭閑
松蓋低春雪藤輪倚暮山永懷桑梓色衰老若為還

峽山亭月夜獨宿對櫻桃花有懷伊川別墅

金陵作

皎月照芳樹鮮葩含素輝愁人惜春夜達曙想巖扉
風靜陰滿砌露濃香入衣恨無金谷妓為我奏思歸

春暮思平泉禊詠二十首

自此並淮南作

望伊川

遠村寒食後細雨度川來芳草連谿合梨花映墅開
槿籬懸落照松逕長新首向夕亭臯望遊禽幾處回

潭上紫藤

故鄉春欲盡一歲芳難再巖樹已青葱吾廬日堪愛
幽溪人未去芳草行應礙遙憶紫藤垂繁葉照潭黛

書樓晴望

幽居人世外久厭市朝喧蒼翠連雙闕微茫認九原

東望盡見萬安山南名臣丘壠殘紅映鞦韆斜日照鞦韆薄暮柴扉

掩誰知仲蔚園

西嶺望鳴臯山

高秋對涼野四望何蕭瑟遠見鳴臯山青峯原上出
晨興採薇蕨向暮歸蓬車詎假數揮金滄和養餘日

瀑泉亭

向老多悲恨悽然念一臣巖泉終古在風月幾年遊
菌閣饒佳樹菱潭有釣舟不如羊叔子名與岘山留

紅桂樹

此樹白花紅心因以為號

欲求塵外物此樹是瑤林後素合餘絢如丹見本心
妍姿無點辱芳意託幽深願以鮮葩色凌霜照碧潭

金松

出天台山

台嶺生奇樹佳名世未知纖纖疑大菊落落是松枝

照日含金晰籠烟漾翠滋勿言人去晚猶有歲寒期

月桂 出蔣山淺黃色

何年霜夜月桂子落寒山翠幹生巖下金英在人間
幽崖空自老清漢未知還惟有涼秋夜嫦娥未暫攀

山桂 此花紫色英蕤繁

吾愛山中樹繁英滿日鮮臨風飄碎錦映日亂非烟
影入春潭底香凝月榭前豈知幽獨客賴此當朱絃

栢 別樹經霜暫
枝葉盡舟四

聞有三株樹惟應秘閨風珊瑚不生葉朱草又無叢
未若凌雲栢常能終歲紅晨霞與落日相照在巖中

蓀 生茅山東溪
溪蓀花紫色

楚客重蘭蓀遺芳今未歇葉抽清淺水花照暄妍節
紫艷映渠鮮輕香含露結離君若有贈暫與幽人折

溪盃亭

激水自山椒析波分淺瀨回環疑古篆詰曲如縈帶
雪翹羽觴遲惟觀親友會欲知中聖處皓月臨松蓋

溪谿

近蓄東谿水悠悠起沫波綵鷺留不去芳草日應多
夾岸生竒篠綠巖覆女蘿蘭橈思無限為感濯纓歌

溪鷓

清止雙鷓鴣前年海上鷓今米戀洲嶼思若在江湖
欲起搖荷盃閑飛濺水珠不能常泛泛惟作逐之息

西園

西園最多趣永日自忘歸石瀨流清淺峯岑澹翠微
曉翻紅藥艷晴鳥碧潭輝獨望娟娟月宵分未掩扉

海

昔見歷陽山鷄籠已孤秀今看海嶠樹翠盃何幽茂
霰雪詎能侵此樹枝葉密霜雪不侵烟嵐自相揉攀條獨臨憇
况值清陰晝

雙碧潭

清冽與嚴湍潺湲皆可憶適來玩山水無此秋潭色
莫辨幽蘭叢難分翠禽翼遲遲洲渚步臨眺忘殫食

竹逕

野竹自成逕繞溪三里餘檀藥被層阜蕭瑟蔭清渠
日落見松靜風行知谷虛田家故人少誰肯共焚魚

花藥欄

花藥四時相續常可留翫

蕙草春已碧蘭花秋更紅四時發英豔三逕滿芳叢
秀色濯清露鮮輝搖惠風王孫未知返幽賞竟誰同

自叙

非尚子通游五嶽

五嶽逕雖深遍遊心已蕩苟能知止足所遇皆清曠

七十難可期一丘乃微尚遙懷少室山常恐非吾望

晉夏清景想望山居

嘉樹陰初合山中賞更新禽言未知夏蘭逕尚餘春
散滿羅垂帶扶踈桂長輪丹青寫不盡宵夢歎非真
累樹空留月虛舟若待人何時倚蘭棹相與撥汀蘋
思平泉樹石雜詠一十首

釣臺

我有嚴湍思懷人訪故臺客星依釣隱仙石逐槎回
倒影含清止疑陰長碧首飛泉信可挹幽客未歸來
似鹿石

林中有奇石鬚鬣獸潛行乍似依巖桂還疑食野辛
茸長綠鮮映班細紫苔生不是見羈者何勞如頓纒

海上石笋

常愛僊都山竒峯千仞懸迢迢一何迥不與衆山連
忽逢海嶠石稍慰平生憶何以侂我心亭亭孤且直

疊

潺湲桂水湍激石多竒狀鱗次冠煙霞蟬聯疊波浪
今來碧梧下迥出秋潭上歲晚苔蘚滋懷賢益惆悵
重臺芙蓉

芙蓉含露時秀色波中溢五女襲朱裳重重映皓質

晨霞耀丹景片片明秋日蘭澤多衆芳妍姿不相匹

白鷺鷥

余心憐白鷺潭上日相依拂石疑星落凌風似雪飛
碧沙常獨立清景自忘歸所樂惟烟水徘徊戀釣磯

海魚骨

昔日任公子期年釣此魚無由見成岳聊喜識專車
皎皎連霜月高高映碧渠陶潛雖好事觀海只披圖

泛池舟

桂舟蘭作柁芬芳皆絕世只可弄潺湲焉能濟大川
樹懸涼夜月風散碧潭烟未得同魚子羨歌共扣舷

舫艦舟

魚輕舫艦舟始自鷗夷子雙闕挂朝衣五湖極煙水
時遊杏壇下乍入湘川裏永日歌濯纓超然謝滓塵

二猿

釣瀨水連漪富春山合番松上夜猿鳴谷中清響合
衝網忽見羈故山從此辭魚由碧潭飲爭接綠蘿枝

思在山居日偶成此詠邀松陽子同作

閑思昔歲事忽忽念伊川乘月步秋坂蒲山聞石泉
回塘碧潭映高樹綠蘿懸露下叫田鶴風來嘶晚蟬
懷茲長在夢歸去且無緣幽谷人未至蘭若應更鮮

乘月一
作乘興

重憶山房六管

平泉源

出谷絕浮芥中園已濫觴
逶迤過竹塢浩淼走蘭塘
夜靜聞魚躍風微見鴈翔
從茲東向海可泛濟川航

泰山石 兗州從事所寄

鷄鳴口觀望遠與扶桑對
滄海似鎔金衆山如點黛
遙知碧峯者獨立烟嵐內
此石依五松蒼蒼幾千載

巫山石

十二峯前月三聲
猿夜愁此中多怪石
日夕漱寒流
必是歸星渚先求歷斗牛
揚州是斗牛分還疑烟雨霖

是嵩丘

羅浮山 番禺連仲所道

龍伯釣鼇時蓬萊一峯坼
裴濟廣州記羅浮山飛來

碧海畔遂與三山隔
其下多長溪茅君內傳山下潺

湲宗亂石知君分如此
贈逾荆山壁

漏潭石 魯客見遺

常疑六合外未信漆園書
及此聞溪漏方欣驗尾閭
大哉天地氣呼吸有盈虛
美石勞相贈瓊瑰有不如

釣石於谿人處求得

嚴光隱富春山色谿又巖所釣不在魚揮綸以自適
余懷慕君子且欲坐潭石持此返伊川悠然慰衰夕

懷伊川郊居

衰疾常懷土郊園欲掩扉雖知明日地不及有身歸
鞏樹秋陰遍伊原霽色微此生看白管良願已應違

晨起見雪隱山居

忽憶巖中雪誰人拂薜蘿竹梢低未舉松蓋偃應多
山溜隨冰落林麝帶霰過不勞聞鶴語方奏苦寒歌

憶平泉雜詠

憶初暖

日初春暖山中事若何雪開喧鳥至漸散躍魚多
翠生松柏輕烟起薜蘿柴扉常晝掩惟有野人過

憶辛夷余赴欲門
辛夷金陵

年將出谷幾日對辛夷倚樹憐芳意攀條惜歲滋
洞陰須暫憩秀色正堪思只待揮金日慙慙泛羽卮

憶寒梅

寒塘數樹梅常近鴈前開雪映綠巖竹香侵泚水苔
遙思清景暮還有野禽來誰是攀枝客茲辰醉始迴

憶藥欄

野人清旦起掃雪見蘭芽始畎春泉入惟愁暮景斜

未抽萱草葉纔發歎冬花誰念江潭老中宵旅夢餘

憶茗茅

谷中春日暖漸憶撥茶英欲及清明火能銷醉客醒
松花飄鼎泛蘭氣入甌輕飲罷閑魚事捫蘿谿上行
憶野花 余未嘗春到故園

雖遊洛陽道未識故園花曉憶東谿雪晴思冠嶺霞
谷深蘭色秀村迴柳陰斜悵望龍門晚誰知小隱家

憶春雨

春鳩鳴野樹細雨入池塘潭上花微落落邊草更長
疏風白鷺起拂水綠鴛翔最羨歸飛燕年年在故鄉

憶晚眺

伊川新雨霽原上見春山緜嶺晴虹斷龍門宿鳥還
牛羊平野外桑柘夕烟川不及鄉園變悠悠盡日閑

憶新藤

遙聞碧潭上春晚紫藤開水似晨霞照林疑綵鳳來
清香凝島嶼繁艷映莓苔金谷如相並應將錦帳回

憶春耕

郊外杏花坼林間布穀鳴原田春雨後谿水夕流平
野老和羹至和風吹草輕無因共泚溺相與事巖耕

余所居平泉村今近蒙常侍大尹特改嘉

名因寄詩以謝

未謝留侯疾常懷仲蔚園閑謠紫芝曲歸夢赤松村
忽改蓬蒿色俄吹黍谷喧多慙孔北海傳教及衡門
山信至說平泉別墅草木滋長地轉幽深悵
然思歸復此作

忽聞樵客語慙慰野人心幽徑芳蘭密閑庭秀木深
麕麕來澗底鳧鵠遍川潯誰念滄溟上歸歎起歎音
臨海太守惠予赤城石報以是詩

聞君採奇石剪斷赤城霞潭上倒虹影波中插日華
儼巖接絳氣谿路襍桃花若值客星去便應隨海槎
前相國黃公早葺平泉山居甞還憇旋起

赴詔命作鎮浙右輒抒懷賦四言詩一十四
晉寄

正議大夫行尚書兵部侍郎集賢殿學士
賜紫金魚袋裴潏

動復有原進退有期用在得正明以知微夫惟哲人
會且有歸靜固勝熱安每慮危將憇於盤止亦先機
右一

植慶在根鍾福有兆珠潛巨海玉蘊峴嶠披室生白
照夜成晝揮翰飛文入侍左右出納帝命弘茲在宥

歷難求試執憲成風四鎮咸人三階以融捧日柱天
造膝納忠建儲固本樹屏息戎彼狐彼鼠窳穴掃蹤

右二

我方或屈我躬莫污三黜如飴三起惟惧再賓為龍
一麾為飴昔在治繁常思歸去今則合契行斯中慮

右三

有鳳自南亦翮其羽好姤佳麗于伊之滸五彩含章
九苞合矩佩仁服義鳴中律呂我来思卷薄言遵渚

右四

龍中關伊原右奔下有秘洞豁起石門竹澗水橫
松架雪屯岫環如壁巖虛若軒朝昏含景夏清冬温

右五

右六

南溪廻舟西嶺望踈水遠如空山微似龍二室峯連
四山駢聳玉女乍歌玉華獨踊雲翔日耀如戴如拱

右七

飛泉挂空如決天潄萬仞懸注直貫潭心月正中央
洞見淺深群山魚影孤鶴時吟我嘯我歌或眺或臨

右八

鳥之在巢風起林搖退翔城顛翠亂捫天雨止雲旋

亦息于淵人皆知進我獨止焉人皆務明我獨晦焉
邈矣其山默矣其泉

右九

寢丘之田土山之上孫既貽謀謝亦遐想儉則爲福
華固難長寧若我心一泉一壤造適爲足超然孤賞

右十

其風自西言發帝庭飄波黃素墮於山楹公拜稽首
靡敢受榮宸嚴再臨俾撫石城戀此莫處星言其征

右十一

公昔南邁我不及覩言旋舊觀莫獲安語今則不違
載箠載舉離憂莫寫歡好焉叙愴矣東望沅涕如雨

右十二

山穠之舊劉廬之恩舉世莫尚惟公是敦哀我蠢蠢
念我諄諄振此鏃翮扇之騰翻斯德未報抵誓子孫

右十三

迢迢秦塞遙望吳門對酒不飲設琴不鼓何以代面
寄之濡翰何以駕懷詩以足言無密玉音以慰我魂

右十四

開成元年九月相公以太子賓客分司東都九
月十九日達洛下安居於平泉別墅潁潁述公

素尚賦四言詩兼述山泉之美未及刻石其年十一月二十一日除浙西觀察使寵燕八座亞相之重十二月四日發赴任開成二年有潯自兵部侍郎除河南尹乃於河南廳中自書于石立於平泉之山居開成二年九月二十五日河南尹裴潯題

諸書載平泉花木

劇談錄李德裕東都平泉莊去洛城三十里卉木臺榭若造仙府有虛檻對引泉水紫回疏鑿像巫峽洞庭十二峯九派迤於海門江山景物之狀以間行逕

有平石以手磨之皆隱隱見雲霞龍鳳草樹之形初

德裕營平泉遠方之人多以異物奉之有題平泉詩

曰隴右諸侯供語鳥口南太守送名花

賈氏談錄贊皇公平泉莊周圍十里構臺榭有餘所

今基址猶存天下奇花異草珍松怪石靡不畢致其

間故德裕自製平泉草木記今悉蕪絕唯鴈翅檜珠

子柏蓮房玉藻等蓋僅有存焉鴈翅檜葉淡紫如鴻

皆如白珠子叢生葉上香聞數十步怪石名品甚衆

多為洛城有力者取去石上皆刻唯禮星石及師子

石今為陶學士徙置黎園別墅禮星石縱廣一丈厚

李德裕公集卷之十
之象師子石高三四尺孔竅千萬通相
通貫其狀如師子首尾眼鼻皆具足

河南志河南長駿南有婆娑亭貯奇石處世傳李德裕醒酒石以水沃之有林木自然之秋今謂婆娑石蓋以樹名

五代史張全義字國維監軍嘗得李德裕平泉醒酒石德裕孫延古因託全義復求之監軍忿然曰自黃巢亂後洛陽園池無復能守豈獨平泉一石哉全義嘗在巢賊中以為譏已因大怒奏笞殺監軍者

李文饒別集卷第十

李文饒別集卷第十

